



Jens NapätôK'  
Inatsisartunut ilaasortaq, Naleraq

## **Illunut sanaqataaffiusunut aqqissuussaq pillugu § 37 naapertorlugu apequteqaammut 2026-51-imut akissut**

Dato: 08-04-2026  
Sagsnr.: 2026 - 6263  
ID. nr.: 80667532

Asasara Jens NapätôK'

Inatsisartut suleriaasianni § 37 naapertorlugu illunut sanaqataaffiusunut aqqissuussaq pillugu Naalakkersuisunut apequteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
www.naalakkersuisut.gl

### **Apeqqut 1: Naalakkersuisut qaqugu naatsorsuutigaat illunut sanaqataaffiusunut (medbyggersæt) pillugit nalunaarut pisariaqartinneqartoq tamakkerlugu atuutilersinneqassasoq?**

Akissut: Illunut sanaqataaffiusunut aqqissuussap atuunnissaanut immikkut nalunaarut pisariaqartinneqanngilaq.

Illunut sanaqataaffiusunut taarsigassarsiat pillugit Inatsisartut inatsisaata nr. 28, 3. december 2018-imeersup atortuulersinneqarneraniilli inatsisitigut tunngavissaq pivoq. Inatsisartut inatsisaat nr. 27, 21. maj 2024-meersoq inatsimmut atuuttumut allannguutaavoq, 2024-milu juunip aallaqqaataani atuutilerluni. Inatsisartut inatsisaannut nalunaarummut, 2025-mi marsimi saqqummiunneqartumi allannguutit ilanngunneqarput.

Taamaalilluni massakut aqqissuussaq inatsisitigut 2018-imiilli atortuulersinneqarnikuuvoq.

### **Apeqqut 2: Massakut illut qanoq amerlatigisut illunut sanaqataaffiusussanut (medbyggersæt itut) atorneqarsinnaasutut qanoq ittuuneranik akuersissutigineqareersimappat?**

Akissut: Naalakkersuisut paasissutissiissutigisinnaavaat, aqqissuussinerup ataani atugassatut akuerisaq ataasiummat marlunnik assigiinngitsunik angissuseqartoq, atugassatullu alla ataaseq pingasunik assigiinngitsunik angissuseqartup aamma akuerineqarnissaa sulissutigineqarluni.

### **Apeqqut 3: Naalakkersuisut qaqugu naatsorsuutigaat innuttaasut aqqissuussinnermut naapertuuttumik illunut sanaqataaffiusunut (medbyggersæt-imut) qinnuteqarsinnaalissasut aammalu akuersissummik pisinnaalissasut?**

Akissut: Naalakkersuisut paasissutissiissutigisinnaavaat, aqqiissut naapertorlugu illumik sanaqataaffiusumik sanaartornissamut imaluunniit pissarsinissamut innuttaasut taarsigassarsitinneqarnissaminnik qinnuteqarnissaminnut periarfissaqareermata.

Illunut sanaqataaffiusunut taarsigassarsiat pillugit Inatsisartut inatsisaanni § 27 naapertorlugu, 2026-mi marsip aallaqqaataani kingusinnerpaamik qinnuteqarfissalerlugu 2026-mi januaarimi ammasumik qinnuteqaqqusisoqarpoq. Qinnuteqarfissatut piffissaliussap iluani qinnuteqaatit tiguneqartut massakkut suliarineqarput.

**Apeqqu 4: Naalackersuisut nassuiaasinnaappat sooq aaqqissuussineq suli atuutilersinneqarsimannginnersoq, aningaasat aningaasanut inatsisikkut immikkoortinneqareeraluartut?**

Akissut: Apeqqu 1-imut aamma 3-mut akissutit innersuussutigineqarput.

**Apeqqu 5: Naalackersuisut nassuiaasinnaappat illunut sanaqataaffiusunut (medbyggersæt imut) aningaasaliissutit kommuninit ikilisinneqarsimanersut imaluunniit allamut nuunneqarsimanersut?**

Akissut: Naalackersuisut paasissutissiissutigisinnaavaat, illunut sanaqataaffiusunut aaqqissuussamut qinnuteqaatinik nutaanik suliaqarneq, 2026-mi januaarip aallaqqaataa aallarnefigalugu Namminersorlutik Oqartussat utertinneqarmat.

Tamanna 2026-mut Aningaasanut Inatsimmi suliassaqarfimmu 10-89-imut oqaasertaliussaq nr. 13-imi kiisalu *konto pingaarnermi 87.72.22 Nunaqarfinnut isorliunerusunullu inissialiornissamut pilersaarummut aamma konto pingaarnermi 20.05.20 Kommuninut ataatsimoortumik tapiissutinut* missingersuutinut ilanngussani allassimavoq.

Tassungaa atatillugu aaqqiissummut aningaasat kommuninut ataatsimut tapiissutinut, Namminersorlutik Oqartussat aningaasaliissutissaattut utertinneqarput.

**Apeqqu 6: Inatsisartut aalajangiineranniit innuttaasut qassit illunut sanaqataaffiusunut (medbyggersæt-imut) qinnuteqarsimappat, qassillu akuersissummik tunineqarsimappat?**

Akissut: Aallarniutigalugu Naalackersuisut oqaatigissavaat, akuersissut suna pineqarnersoq apeqqu 1-imut allassimanngimmat. Illunut sanaqataaffiusunut massakkut aaqqissuussaq Inatsisartunit 2018-imi akuersissutigineqarpoq, kingusinnerusukkullu 2024-mi allanngortinneqarluni. Tamanna pillugu aaqqiissutip ataani ataatsimut qassit qinnuteqarsimaneriniq, qassillu aningaasaliissutigineqarsimaneriniq killiffissiuisoqarnissaanik kissaatit Naalackersuisut apeqqu 1-imut paasivaat.

Apeqqu nr. 5-imut akissuteqarnermi allassimasutut, 2026-mi januaatip aallaqqaataa tungaanut aaqqiissummik aqutsineq kommuninit isumagineqarpoq.

Illunut sanaqataaffiusunut taarsigassarsiat pillugit Inatsisartut inatsisaanni § 32 a malillugu, taarsigassarsisitsinissamik siumut neriorsuutit amerlassusaat aamma aningaasaliissutinik atuineq ilaatigut paasissutissiissutigalugit kommunalbestyrelsit ukiumut naatsorsuusiortassapput.

Naalackersuisut paasissutissiissutigisinnaavaat, 2024-mut aamma 2025-mut ataatsimut naatsorsuutit nunami kommuninit manna tikillugu tiguneqarnikuunngimmata.

Taassuma saniatigut apeqqu 3-mut akissut Naalackersuisut innersuussutigaa.

**Apeqquut 7: Naalakkersuisut uppersarsinnaavaat Sikublok atorlugu sanaartornissamut akuersissuteqartoqarsinnaasoq, aammalu taamaappat tamanna qaqugu piviusunngortinneqarsinnaanersoq?**

Akissut: Sikublokkiniq illunut sanaqataaffiusunut taarsigassarsisitsisarnissaq pillugu § 37 naapertorlugu apeqquuteqaammut 2025-023-mut akissut Naalakkersuisut innersuussutigisinnaavaat.

**Apeqquut 8: Naalakkersuisut innuttaasut illoqarfinni mikinerusuni, nunaqarfinni aammalu nuna immikkoortuini avinngarusimasuni piaarnerpaamik illunut sanaqataaffiusunut (medbyggersæt-imut) periarfissaqalersinnaanissaat qulakkeerniarlugu suliniutit suut tigussaasut aallartinniarpaat?**

Akissut: Innuttaasunut ersarissumik paasisstissisarnissaq, assigiissaartumik sulianik suliaqartarnissaq kiisalu illoqarfiit mikinerusut, nunaqarfiit, isorliunerusullu ilanngullugit aaqqiissutip nuna tamakkerlugu atorsinnaanissaanut aqutsineq tunngavissiisoq Naalakkersuisut ukkatarat.

2024-mi allannguutit, aqutsinerullu 2026-mi januaarip aallaqqaataani Namminersorlutik Oqartussanut utertinneqarnerata malitsigisaanik, aaqqiissummik aqutsineq massakkut assigiissaartumik aamma illunut sanaqataaffiusunut taarsigassarsiat pillugit Inatsisartut inatsisaat naapertorlugu aqunneqarpoq.

Neriuppunga qulaani allaqqasuni apeqquuteqaatitit akineqartut.

Inussiarnersumik inuulluaqqusillunga

Aqqaluaq B. Egede